



ОНЛАЙН ЖАЗЫЛУ

1931 жылдың  
4 қазанынан бастап шығады

www.ortalyq.kz

www.instagram.com/ortalyq.kz/

www.facebook.com/ortalyq.kz/

info@ortalyq.kz

2 АҚПАН – ҰЛТТЫҚ БАСЫЛЫМ КҮНІ

## Баспасөздің жүгі де, жолы да ауыр

Мемлекет басшысы Қасым-Жомарт Тоқаев «Ана тілі» газетіне берген сұхбатында «Мен ақпарат кеңістігіндегі үдерістерді жіті қадағалап отырамын. Жазбаша мәтіндердің мән-маңызын төмендетуге болмайды. Мерзімді баспасөз бәрібір мемлекеттік саясаттан хабар беретін маңызды ақпарат көзі болып қала береді», – деген болатын. Ел Президентінің дәл осы екі ауыз тәмсілінен дәстүрлі БАҚ-қа деген қолдауды да, «мылтықсыз майдан» жауынгерлеріне жүктелер жауапкершілікті де аңғаруға болады. Иә, жаһанға «жасанды зерде» (GPT) жар салып, газет пен гаджет тайғаласы өрекінен өзгерістер дәуірінде өзгеі талып тұрған қазақ баспасөзі – қолдауға зәру. Ал, бір жарым ғасырдан астам (қазақ тіліндегі тұңғыш басылым «Түркістан уәлаяты» газеті 1870 жылы жарық көрген) тарихы бар ұлт баспасөзі өзіне жүктелген жауапкершіліктен бір сәтке де жалтарып көрген емес.

Олай болса, бүгінгі сөз тағылымды тарихы, тар заманда танытқан тәуекелі, уақыт талабына сай талғамы бар қазақ баспасөзінің дәуір тынысымен үндестігі жайлы өрбімек.

Ерсін МҮСАБЕК,  
«Ortalyq Qazaqstan»

Ұлттық басылым күні! Еншімізге тағы бір мереке бұйырды. Бәрімізді аспанға атып, еркімізді шектемес күнге жеттік деп жатырмыз. Лайым солай болғай!

Жалпы, Ұлттық басылым күнінің белгіленуі жан-жақты талданып, салмақты сараланған шешім болды. Қазақстан Президентінің ұлт баспасөзіне деген ықыласы мен құрметі, жанашырлығы мен көрегендігі тұр бұл шешімде. Ең әуелі атаулы күннің 2 ақпанға белгіленуінің өзінде үлкен тарихи маңыз жатыр. Бұл күні ұлт баспасөзінің бастауында тұрған «Қазақ» газетінің алғашқы саны жарық көрген. Тарихтың өзі сабақтастық негізінде түзілетінін ескерсек, Ұлттық басылым күнін «Төртінші билікті» төрге оздырар салтанатты сәт ретінде түйсінер едік. Алайда, бұл салтанат жолымызды жеңілдетер, бірақ жауапкершілік жүгін шегермейді.

Қазақ журналистикасының жанарын-



дағы үміт оты сөнген жоқ, қаламындағы құдірет кеміген жоқ. Көмескілене бастаған үміт сәулесі де, қолаптадай бықсуға шақ қалған ошағымыз да қайтадан қоғамның шамшырағына айналды. Десек те, бұл күн – көл-көсір дастарқан жайып, даңғазаға бой алдыратын емес, тарихқа тағзым етіп, жоғымызды түгендейтін күн.

Ойымызды тарих, тәуекел, талғам ұғымдарының төңірегінде өрбітер болсақ, қазақ баспасөзінің қасиетті қара қазанын осы үш таған көтеріп тұр дер едім.

Тарих. Ол – қазақ халқының басынан кешкен талайды тағдырын тасқа таңбалаған баспасөздің тарихы. Сонау XIX ғасырдан бастау алатын қазақ басылымдарының та-

рихы ақандақ кезеңдермен ерекшеленді. Ақиқатшылдығы үшін қуғындалған қаламгер, жариялылығы үшін жабылған газеттер... Мәселен, ұраншылдықты емес, халықтың рухын оятып, санасын серпілтуді көздеген бір ғана «Қазақ» газетінің тарихы мен тағдырында тұтас дәуірдің тынысы мен қазақ халқының шерлі шежіресі бар.

Солай бола тұра, біз сезінбей жүрген, сезінсек те, селт ете қоймаған бір олықтық бар. Ол – баспасөз тарихының толық зерттелмеуі. Жалғыз «Қазақ» газетінің ғана емес, тұтас қазақ баспасөзінің тарихы күдік арқалап, күмәнді күй кешіп келеді. Егер, баспасөз тарихы толыққанды зерттеліп, зерделенген болса, осы «Қазақ» газетінде Алаш арыстарының бүркеншек атпен жариялаған өткір мақалаларының авторларын деп басып танытын едік. Күні бүгінге дейін бір мақаланың Әлихан Бөкейханның да, Ахмет Байтұрсынов пен Міржақып Дулатовтың да жинақтарында қайталана басылып жүргені осы олықтығымызды әшкерелеп тұрған жоқ па?! Ендеше, осыдан екі жыл бұрын белгіленген Ұлттық басылым күнін баспасөз тарихына байыппен үңіліп, байсалды байлам жасайтын күн деп есептеймін.

Тәуекел. Ол – Алаш арыстарының тас жұтқандай тәуекелі. Бұл туралы әңгіме де – қысқа. Өздері қуғында жүріп, ұлттық идеологияның қажырлы қаруы ретінде «Қазақ» газетін шығарған қайраткерлердің сол тәуекел болмаса, біз отаршылдық жүйедегі патша үкіметінің үнжариясы болған «Түркістан уәлаяты» газетіне телміріп қалар едік. Алаш көсемдерінің күрескерлік рухы, дала қазағының санасын рулық деңгейден ұлттық деңгейге көтерген есіл еңбегі ескерілмей қалар еді...

Талғам. Уақыт талабы мен оқырман талғамы. Кешегі талғам мен бүгінгі оқырманның көңіл таразысы. Осы арада айтылуға тиісті бір ақиқат бар. Қазіргі газет-журналдың оқырманы «қартайып» кетті. Мемлекет басшысының өзі «Газет-журнал оқу – жас кезімнен қалыптасқан дағды», – деді. Ал, қатардағы шенеуніктер газеттің бетін ашпайды. Ертенгі күні ел тізгінін ұстап бүгінгі жас буынды тәрбиелеп отырған ұстаздардың өзі «Мүғалім мәртебесі туралы» Заң қабылданғалы газет-журналға назар салмайтын болған. Сонда, газет оқымайтын, қоғамда орын алып жатқан құбылыстардан мүлде бейхабар ұстаз ұрпақ тәрбиесімен қалай айналыспак?

Ұлттық басылым күні – кастерлі мереке. Арнайы күн белгілеп, Президент пәрменімен атаулы күн болғанын соң, бұл күн сол кәсіп иелеріне көрсетіліп отырған құрмет пен қолдауға өлшем болуы тиіс. Яғни, біз осы Ұлт баспасөзінің беделін көтеріп, абыройын арттырар шараларға кезек беруіміз керек! Ұлттық басылымдардың ұнжырғасы түспесін деген ниет – біздікі. Мереке құтты болсын, әріптестер!



## Заң жобасы әзірленді

Елімізде IT саласында 180 мыңнан астам адам жұмыс істейді. Алдағы уақытта жасанды интеллект бағытында мамандар даярлау жоспарда.

Жасанды интеллект әлемде қарқынды дамып келе жатыр. Елімізде осы салаға ерекше көңіл бөліп жатқанын атап өткеніміз жөн. Ұлттық концепция күшіне енді. Қазіргі таңда жасанды интеллект бойынша заң жобасы әзірленді, Мәжіліс қарауына жіберілді. Сонымен қатар, бізде eGov.kz жасанды интеллект енгізу жөнінде жұмыстар жүргізіп жатыр. БҰҰ рейтингінде eGov.kz 24 орында. Ал, онлайн қызмет көрсетуде 10-шы орында. Яғни, біздің елімізде цифрландыру жоғарғы деңгейде жүзеге асырылуда. Бұдан бөлек, елімізде жасанды интеллект жұмыс істейтін компаниялар да бар, – деді Жасанды интеллект және дамыту комитеті төрағасының орынбасары Мирас Закиев.

Сарапшылардың айтуынша, маман тапшылығы әрқашан болады. Тапшылықты жою үшін мектептер мен арнайы бағдарлама ашылуы қажет. Біздің есебімізше 2029 жылы жасанды интеллект бойынша білімі бар 1 млн азамат даярланады. Қазіргі таңда елімізде IT саласында 18 IT компания бар.

Өз тілшімізден

## Донор бар жерде өмір бар

Қазақстанда 4 мыңнан астам адам трансплантация кезегінде тұр. Нақты айтсақ, 4 080 адам. Оның 102-сі – балалар. Көбісі бүйрекке зәру, бауыр, жүрек пен өкпеге де мұқтаждары бар. Оларға сәйкес келетін донордың табылуы оңай емес. Сондықтан, олар донорды сарыла күтуге мәжбүр.

Жансая ОМАРБЕК,  
«Ortalyq Qazaqstan»

Негізінде донорлық трансплантация елде 2012 жылдан бері жасалып келеді. Алайда, саланың дамуы баяу. 2012 жылдан бері барлығы 2 942 трансплантация жасалыпты. Оның көбісі тірі донордан. Яғни, отбасы мүшелері, туысы, жақынынан алып салынған орган. Ал, мәйіттік трансплантацияның үлесі небары 15%. 3 мыңға жуық отаның 454-і ғана мәйіттік донордан алынған. Күрмеуі шешілмей келе жатқан мәселе үнемі дәрігерлердің назарында. Осы жолы да Астана қаласындағы «Университеттік медициналық орталық» корпоративтік қоры аймақтағы медицина мамандарына донорлық және трансплантология бойынша шеберлік сағатын өткізді. Х.Макажанов атындағы көпбейінді ауруханада өткен шараға дәрігер-анестезиолог, реаниматолог, қарқынды терапия мамандары, неврологтар және нейрохирургтер қатысты. Оларға спикерлер – кор-



поративтік қордың медициналық-нормативтік мәселелер жөніндегі бөлімнің бас менеджері Сәуле Шайсұлтанова мен Ерик Зугаров ми өлімінің қайтымсыз екенін анықтау, әлеуетті донорды дайындау және оның отбасы мүшелерімен дұрыс сөйлесу тақырыптарында сөз қозғайды.

– Ел бойынша 7 трансплантация орталығы бар, – дейді Сәуле Талғатқызы. – Өр өңірде донорлық стационарлар бар. Әлеуетті донор табылса, олар бізге хабар беруі керек. Ықтимал донор дегеніміз – миы өлген науқастар. Ми өлсе, демек, ол адам өлдіге саналады. Олар тек жасанды тыныс

алу аппаратына ғана қосылып тұрады. Бұндай адамдар донор бола алады. Алайда, барлығы жаппай емес. Егер ми өлімі тіркелсе, бір тәуліктен астам өмір сүру белгісін білдірмесе, мидың өлгені туралы шешім комиссия арқылы қабылданады. Егер марқұмның тірі кезінде донор болуға келісімі немесе бас тартуы болмаса, марқұмның туыстары шақырылып, рұқсат сұралады. Егер туыстары бас тартса, марқұм донор болмайды. Одан бөлек, қайтыс болған адамның ішкі органдары донорлыққа жарамды-жарамсыздығы анықталады.



Спикердің айтуынша, мәйіттік донорлықты дамытуға заңнама тұрғысына кедергі жоқ. Шешім қабылдау қоғамның әр мүшесінің еншісінде.

– Қазіргі күні кез келген қазақстандық eGov порталында немесе тұрғылықты жері бойынша тіркелген емханасында өзінің еркін білдіре алады. Өкінішке қарай, мәйіттік донор болуға келісім бергенде өте аз, – дейді Сәуле Шайсұлтанова.

Қарағанды облысы бойынша күту парағында 350-ден астам адам тұр. Қарағанды облысы бойынша аумақтық трансплантация үйлестірушісі Салтанат Сариеваның айтуынша, аймақта жылына 10-12 адамға трансплантация жасалады.

– Трансплантация мәселесінде аймақта аз да болса, осы бар. Жыл сайын 2-3 науқасқа артып келеді. Бірақ, оның барлығы туыстық донорлар. Біз тірі донорлардан гөрі мәйіттік донорлықтың дамығанын қалаймыз. Сай келетін донор табылғанша науқастар емін ала береді. Көп науқастар кейінгі жылдары Беларусьқа барып ота жасатып келіп жатыр. Әрине, ол жақта ақылы. Қазақстанда трансплантация да, одан кейінгі күтім де тегін, – дейді Салтанат Сабырқызы.





• 2 АҚПАН – ҰЛТТЫҚ БАСЫЛЫМ КҮНІ

## Оқырманның өмір мектебі

Ұлттық баспасөз сөз болғанда облыс тұрғындарының басты басылымы «Орталық Қазақстан» жайлы айтқанымыз жөн болмақ. Өзінің алғашқы саны шыққанына бір ғасырға жуықтаған, дәлірек айтсақ, 94 жыл болған бұл басылым осыншама уақыт оқырманның өмір мектебі болды десек, артық айтқандық емес. Өз заманында еліміздің бас үн парағы «Социалистік Қазақстан» тәрізді аптасына алты рет жарық көрген осы біздің облыстық газет болатын. Күнде шығатын болғандықтан, оның жұмысы да ауыр еді. Редакцияда күнделікті газет шығаратын техникалық қызметкерлерді қосқанда 50-ден астам адам қызмет етеді. Аудандардағы меншікті тілшілерді қосқанда 30 шақты журналист болды. Және қандай журналистер дейсің ғой, бәрі бірінен-бірі өткен мүйізі қарағайдай қаламгерлер еді. Ол уақытта «Орталық Қазақстанға» қызметке кіру әрбір жас журналистің арманы болатын. Қатардағы корректор болуға кезекке тұратын.

Республикалық газетке денгейлес, атағы жер жарған облыстық газетке қызметке іліккен журналистердің бірі болғанымды әлі күнге мақтанш көремін. Сол кездегі бас редактор Рамазан Сағымбеков марқұм мені Егіндібұлақ ауданындағы «Ленин туы» газетінен арнайы шақырып алып еді. Кабинетіме өзі телефон соғып: «Серік, бұрын бір келгенінде облыстық газетке ауысқың келетінін айтып едің. Сол ойыңнан қайтып қалған жоқсың ба?» деп сұрады. Менің жауабымды тыңдап алды да: «Онда ол жақтан есеп айырысып, мұнда кел. Бір орын босап тұр» деді. Қуанышым қойныма сыймай, 1982 жылы 1 наурызда Қарағандыға жетіп келдім. «Орталыққа» қабылдандым. Сөйтсем сырттай бақылап жүреді екен. Осының алдында ғана газеттің еңбек адамдары туралы үздік очеркке жарияланған бәйгесін шаттан тыс тілші ретінде жеңіп алған едім. Әлі есімде «Қазақстанның 40 жылдығы» совхозының орденді механигі туралы очерк жазғанмын. Сонымен, көптен армандаған «Орталықтың» тілшісі болып шыға келдім.

Қарасам мұнда журналист көп, жұмыс қауыр. Газет аптасына алты рет шығатындықтан материал шак келмейді. Сондықтан әр журналист күніне 250 жол мақала беруге тиісті. Жай мақала емес, оқырман хаттары мен штаттан тыс тілшілердің қорытылған, яғни әдеби өңделген материалдары болуы керек. Өзіңнің атыңнан жазған мақала есепке алынбайды. Сол себепті күні бойы редакцияға түскен оқырман хаттарын қорытамыз. Үлгермесек үйге алып кетіп, қолмен жазып әкелеміз. Бірақ сол дайын мақаланы машинкаға бастырудың өзі проблема болып шықты. Машинборода 4 машинистка бар. Жиырма шақты журналист сонда кезекте тұрады. Мен сияқты жаңадан келгендерді итеріп тастай береді. Содан машинистканы аңдып, қай апай «қайырымдылық» жасар екен деп күтіп отырамын. Менің бақытыма орай мұнда Айша деген апай бар екен. Руы – Жарылғап, Қу өңірінен екен. Менің қайдан келгенімді білген соң, «Бауырым, мақаланды маған әкел» деді. Енді бір қарасам, шыққан тегі НұрбикеШаншар Тоқан Әбуғалиев деген журналист



ағайдың жұбайы Күлзия да осы машинборода бар екен. Бір апай, бір жеңгей тауып алып, мақала бастыру мәселесін шешті.

Редакцияда менімен жасы шамалас Еркін Лұқпанов, Мағауия Сембаев, Сәттар Тұрғанбеков, Гүлсім Оразалиева тәрізді жас

журналистер болды. Қалғандары 50-60-қа жақындап қалған жасамыстар еді. Тіпті зейнеткерлікке шығып қызмет етіп жүрген Қағабек Сәденов, Хайриден Әубәкіров деген қырлы қаламгерлер болды. Бұдан кейін Есімбек Бәйтенев, Тоқан Әбуғалиев, Асхат Темірбаев, Қайыркен Сұлтанов, Сағиолла Ансаров, Базарбай Мұстафин, Қанат Жойқынбаев, Зарқын Тайшы-

Олардың әрқайсысынан үйреніп, жақсы жақтарынан үлгі алуға тырыстық. Бөлім бастықтары жазған мақаланды шмайламауы үшін олардың жазу стиліне бейімделуге ұмтылған кездер де болды. Осылайша білмегенімді ағалардан үйреніп, 2-3 жылда ұжымның бір белсенді мүшесі болып шыға келдім. Редакцияға Төлеубай Ермекбаев, Дәулетбек Мақашев, Жұлдыз

Буын алмасу болды. Енді біздер аға буынның орнын бастық. Жастарға тәжірибемізді соларға үйрете бастадық. «Орталық Қазақстан» газетінің ұжымына Қайрат Әбілда, Серік Сағынтай, Жанат Жаңқашұлы, Қамбар Ахмет, Мирас Асан және басқа да жас журналистер қосылды. Бұдан басқа бір екі жыл істеп, басқа жаққа кетіп жатқандар да болды. Қазіргі күнде сол жігіттердің өсіп, өз алдына бір тұлға болғанын мақтан етеміз.

Ұлттық баспасөздің қарашаның бірі облыстық «Орталық Қазақстан» газеті 90 жылдан бері оқырманмен қауышып келе жатса, соның 32 жылында осы газетті шығаруға қатысып, ыстық-суығын көргенімді мақтана айта аламын. Біз қызмет еткен жылдардың өзінде редакцияға талай журналист келіп, тұрақтай алмай кетіп жатты. Бірақ біздің буын түп қазанда қалып, 30-40 жыл адал қызмет етіп, зейнеткерлікке шықтық, ардагер журналист атандық. Әлі де қаламды тастамай газетке оны-мұны жазып тұрамыз. Қазір жап-жас кыз-жігіттер орнымызды басып, газетті шығарып жатыр. Олардың жазған дүниелерін күнделікті оқып, тамсанып жатамыз, жас журналистердің тілеуін тілейміз.

Қорыта айтқанда, осынау айтулы күнде «Орталық Қазақстан» газетінің ұжымына ардагерлердің атынан табыс тілейміз. Жазар көбейсін!

**Серік СЕКСЕНҰЛЫ,**  
Қазақстанның Құрметті журналисі

• «ГАЗЕТ – ХАЛЫҚТЫҢ КӨЗІ, ҚҰЛАҒЫ ҺӘМ ТІЛІ»

## Ахуалың қалай, аудандық газет?



Қуаныш АМАНҚҰЛОВ,  
«Балқаш өңірі» газетінің редакциясы» ЖШС директоры

### Оқырманның олжасымыз

Қолыңыздағы газетке қылт еткен дүниеміз шықса, баладай қуанып жататынымыз жасырын емес. Әлі есімде, 7 сыныпта оқып жүргенімде өзміздің «Орталыққа» алғашқы жазған «Ауылыма» деген жүрекжарды өлеңім жарық көрді.

Содан арман қуып Алматыға жеткенбіз. Қазақ тілі мен әдебиеті пәнінің мұғалімі мамандығын игердік. Табиғатым газетті, редакцияны аңсап тұратын. Ақыры, 2011 жылы газетке біржола келдім. 90 жылдан астам тарихы бар «Балқаш өңірі» газетіне тілші болып қабылдандым. Газеттің редакторы, жазушы Жанболат Башардың мектебін көрдім.

2019 жылдан бастап аймақтық «Балқаш өңірі» газетіне басшылық жасау міндеті маған сеніп тапсырылды. Ол кезде газет басшылығы жергілікті әкімдіктің құзыретімен тағайындалатын. Қазір редакция тұтастай жекеменшікке өтті. Біздің редакцияда осы күні белгілі журналистер – сазгер Қуандық Сәденов, ақын Нұрдос Керім, Еркеназ Бактораз, Гүлзаг Кәубекбаева қызмет жасайды. Техникалық бөлімдегі мамандар еңбегін ерекше бағалаймыз. Бастысы, өткен тарих пен бүгінді сабақтастырып, оқырманның талғамына сай дүниелерді газетке жариялап отыру.

Мемлекет басшысы атап өткендей, «Газет-журнал оқу – жас кезімнен қалыптасқан дағды...

Мен ақпарат кеңістігіндегі үрдістерді жіті қадағалап отырамын. Жазбаша мәтіндердің мән-маңызын төмендетуге болмайды. Мерзімді баспасөз бәрібір мемлекеттік саясаттан хабар беретін маңызды ақпарат көзі болып қала берсін».

Қоғамда «адамдардың газетке қызығушылығы төмендеп кетті» деген жаңсақ пікір бар. Алайда, газет кешіксе, бірден редакцияға қоңырау шалатын немесе іздеп келетіндер оқырманның мол екені бізге аян. Бүгінде газеттің қалың оқырманы аудан мен ауылдарда тұрады. Ауылдағылар газетті қалай іздейді?

Ауданда жаяу-жалпылап жүріп, редактор бастап, тілші, беттеуші және хатшы жабылып бір газетті шығарады. Газет ауылға жетпесе, ғұмыр бойы оны жаздырып алатын, кешіксе жәдігері жоғалғандай мазасыздана бастайтын қариялар редакцияға келеді. Тілшілер ақсақалдың жата-жастана жақсылап оқуы үшін газетті үйге мезгілінде жеткізу «Қазпоштаға» байланысты екенін түсіндіріп, жылы сөзбен шығарып салады. Қыста басылымды елді мекендерге жеткізу тіпті баяулайтыны бар. Әлі газетті қолына тимеген қария таяғына сүйеніп тағы келеді. Оқырман мен газет арасындағы ерекше байланыс осылай қалыптасады.

Цифрлық технология дамыған заманда уақыттың әрі оқырманның талғамына сай басылым шығару оңай емес. Оған қоса уақыт өте келе аймақтағы аудандық газеттердің жекешеленгенін ескерсек, баспасөздің бүгінгі жай-күйі алаңдата-тыны рас. Не десек те, нарықтың күрделі кезеңдерінен өткен аудандық газеттер жабылып қалған жоқ. Олар қолдауды қайдан алады? Ұлттық басылым күні қарсаңында аудандық, қалалық газеттердің жағдайын біліп, осы сауалымызды басылым басшыларына жолдаған едік.



Гүлнәр ЕЛЕУСІЗОВА,  
аудандық «Aqtogai ajary» газетінің редакторы

### Тарих алдындағы парыз

Қалам тербеп жүрген барша әріптестеріміз үшін Ұлттық баспасөздің бастауында тұрған «Қазақ» газетінің алғашқы саны жарыққа шыққан күн аса маңызды. «Ұлттық басылым күні» Алаш баспасөзінің туған күні деп ерекше атап өту – тарих алдындағы парызымыз. Бұл жолдың бастауында Ахмет Байтұрсынұлы, Әлхан

Бөкейханұлы секілді ұлт зиялылары тұр.

Баспасөз алаңында 87 жыл қызмет етіп келе жатқан «Aqtogai ajary» аудандық газеті – облыстағы алдыңғы қатардағы басылым. Қазіргі таңда 5 қызметкер жұмыс істейтін газеттің 1200 оқырманы бар. Басылым жылына 8-12 беттік тұрақты 50 нөмірін шығарады. Жыл сайын журналистердің кәсіби мерекесі қарсаңында өтетін облыс әкімінің «Алтын сұңқар» сыйлығын газеттің 7 қызметкері иеленді.

Әрине, күрделі мәселелер бар, оның бірі – мемлекеттік сатып алу жүйесіндегі кедергілер. Аудандық бюджеттен жылына 15-20 миллионға жуық қаржы бөлінгенімен, конкурс қорытындысы бойынша бізге 7-8 миллион бұйырады. Осының әсерінен көп нәрсені жарыққа шығара алмайтын қиындықтар кездеседі. Соған қарамастан, газет уақытында шығады. Жекешеленген кейін де жағдайымыз жаман емес. Тапсырыстар уақытында орындалып, еркін тақырыптар кеңінен қозғалады.



Құрманғазы ӨТЕБАЙ,  
«Qarqaraly», «Абай-ақиқат», «Сельский труженник» аудандық газеттер редакциясы ЖШС директоры

### «Көш жүре түзеледі»

Газеттер жекеменшік болған кез келген жағдайда өзін бейтарап ұстай алады. Әрине әлі күнге дейін газеттерде шешілмей тұрған мәселелер бар, бірақ оның бәрі уақытында орнына келеді деп ойлаймын.

Биылдан бастап «Мемлекеттік сатып алу туралы» Заңға көп өзгерістер енгізілді. Газеттер облыстық бюджеттен қаржы алатындықтан, қазіргі жағдай жаман емес, әлі де жақсы жаңалықтар болатын секілді.

Жалпы, газетке жазылған дүние – тасқа басылған тарих секілді. «Ortalyq Qazaqstan» газетінде істеген уақыттарда үлкен тәжірибе жинадым. Облыстық газеттің тілшілерге мақала жазуда көп шектеу қоймайтыны қуантады.

Журналистикаға әртүрлі салалардан мамандар тартып, оған жан бітірген дұрыс. Өңірілік үш газеттің құрылтайшысы болғандықтан, конвергентті журналистиканы дамытып, газеттердің арқасында деректі фильмдер түсіру мүмкіндігіне ие болдық.

Қазіргі таңда өкінішке қарай аудандық газеттердің оқырмандары азаюда. Ұлттық басылым күнінде 80-90 жылдық тарихы бар газеттер өзінің тарихын сақтап, халыққа қызмет атқаруын жалғастырса деген тілек бар.



Мейрам ДӘУЛЕТБЕКҰЛЫ,  
аудандық «Shet shugylasy» газетінің директоры

### Басылым бағытын өзгерткен жоқ

2 ақпан – Ұлттық баспасөз күні болып белгіленіп, мерекелік күндер тізіміне енді. Бұл – баспасөз саласында еңселі еңбек етіп, қалам тербеп жүрген барша әріптестеріміз үшін маңызды мереке. Себебі «Қазақ» газетінің алғашқы саны жарыққа шыққан күн. 90 жылға жуық тарихы бар Шет аудандық «Shet shugylasy» газетінің алғашқы саны 1937 жылы жарық көрді. Содан бері басылым күні бүгінге дейін заманымен, халқымен бірге етене қауышып келеді.

2012 жылдан бастап газет жауапкершілігі шектеулі серіктестігі болып жекешеленді. Өйтсе де өзінің негізгі бағыты мен мазмұнын, халық мүддесін көздеген бағытын өзгерткен жоқ. Бүгінде конкурс арқылы ұтып алған мемлекеттік тапсырыстың қаржысын игеріп қана қоймай, нарық талабына сай түрлі баспа өнімдерімен қатар, баннер басып шығаратын көлемді принтер сатып алып, жұмыс жасаудамыз. Биыл аудан әкімі Мұхит Мұхтаров газетіміздің барлық бетін түрлі-түсті етіп шығару жөнінде ұсыныс жасаған болатын. Әрине, ол үшін қаржылай көмек жасауда. Бұл газетімізге үлкен демеу болып отыр. Материалдық базамыз да жақсарды. Шағын ғана ұжымымызда 6 адам қызмет етеді.

Үлкен жауапкершілікті сезіне отырып, елдің көңілінен шығатындай мазмұнды газет шығару – біздің басты мақсатымыз болып қала бермек. Барша әріптестерімізді Ұлттық басылым күнімен құттықтаймын!

Дайындаған  
Аяулы СОВЕТ,  
«Ortalyq Qazaqstan»







• ТҰСАУКЕСЕР

# «Өзегі – өрт өлең...»

Облыстық Н.Гоголь атындағы әмбебап ғылыми кітапханасында жазушы, ақын, республикалық «Қасым» журналының бас редакторы Серік Сағынтайдың «Жауырыншы» өлеңдер жинағы мен «Қазақия... Сибирия...» атты зерттеу кітабының таныстырылымы өтті. Мәдениет және ақпарат министрлігі Архив, құжаттама және кітап ісі комитеті кітап ісі басқармасының басшысы Алмаз Мырзахмет арнайы қатысып, Қазақстан Республикасы Ақпарат және мәдениет министрінің құттықтау хатын табыстады.

Бұған дейін Серік Сағынтайдың Ақтоғайда «Менің атым – Фәни-құс...» атты жыр кеші өткен. Сол уақытта жаңа кітаптарының тұсауы кесіліп, оқырманға жол тартып еді. Бұл жолы облыстық кітапхана ұжымы жазушыны қарағандылық оқырмандарымен жүздестіруді жөн көріпті. Өз сөзінде жазушы зерттеу кітабының мазмұны мен оның негізгі бағыттары туралы

Е.Бөкетов атындағы Қарағанды зерттеу университетінің профессоры, филология ғылымдарының докторы Жансая Жарылғапов жазушы еңбегі жайлы ойымен бөлісіп, әдеби талдау жасады.

Сонымен қатар, оқырман қауымының назарына «Өле алмайтын өзегі өрт өлеңімін...» атты жазушы шығармашылығына арналған кітап көрмесі ұйымдастырылды. Өрі колледж студенттері автордың жырларын жатқа оқыды.



Сурет ұйымдастырушылардан

ралы, жаңа өлеңдер жинағының мазмұны жайында баяндап берді. Өрі «Қазақия... Сибирия...» зерттеу кітабы туралы кеңінен тарқатты.

метіне кеш өткізіп, әдеби кездесулердің бірін «Тар жол, тайгак кешу» шығармасына арнадық. Болашақта Қазақстанның басқа қалаларына іссапармен баруды жоспарлап отырмыз, – дейді Қарағанды ақындар қоғамының жетекшісі, STELLAR әдеби клубының негізін қалаушы Алёна Куринная.

Тұсаукесерде авторлық өлеңдер орыс және қазақ тілдерінде оқылды. Жинақта 19 автордың шығармалары бар.

Өз тілшімізден

• МӘДЕНИЕТ ОШАҚТАРЫНДА

## Жинақ жарық көрді

Қарағанды ақындар қоғамы былтыр STELLAR әдеби клубының базасында құрылған. Шығармашылық қоғамдастық аймақтың әр өңірінен келген поэзия әуесқойларын біріктіріп отыр.

Облыстық бейнелеу өнері мұражайында аталған қауымдастық құрамындағы қаламгерлердің шығармалары енген алғашқы өлеңдер жинағының тұсаукесері өтті.

– Қауымдастығымызда қазір түрлі жастағы 23 ақын бар. Ақындар кешін, көрмелер өткіземіз. Өлемге әйгілі ақындардың құрметіне театрлық тақырыптық суреттемелер ұйымдастырамыз. Былтыр қазақтың көрнекті ақыны, жазушы және мемлекет қайраткері Сәкен Сейфуллиннің 130 жылдығы атап өтілді. Біз оның құр-

метіне кеш өткізіп, әдеби кездесулердің бірін «Тар жол, тайгак кешу» шығармасына арнадық. Болашақта Қазақстанның басқа қалаларына іссапармен баруды жоспарлап отырмыз, – дейді Қарағанды ақындар қоғамының жетекшісі, STELLAR әдеби клубының негізін қалаушы Алёна Куринная.

Тұсаукесерде авторлық өлеңдер орыс және қазақ тілдерінде оқылды. Жинақта 19 автордың шығармалары бар.

Өз тілшімізден

• ХОККЕЙ

## Алтынға бергісіз күміс

Шайбалы хоккейден әйелдер арасында Латвияның Рига қаласында әлем чемпионаты өткен болатын. Сол чемпионатта Қазақстан құрамасы өнер көрсетіп, II орынға ие болды. Ұлттық құрама сапында Қарағандының «Юность-Грация» клубында өнер көрсетіп жүрген төрт жерлесімді бар. Олар ойынның негізгі құрамында алаңға шығып, ел намысын қорғады.

Ербол ЕРБОЛАТ,  
«Ortalyq Qazaqstan»

Ұлттық құрама сапына кірген жерлестеріміздің қатарында шабуылшылар Алина Жақулина, Рената Лившиц, Анна Климова және қорғаушы Калима Нигматулина бар. Олар кішкентайынан бері қарағандылық клубта дайындалып келеді. Мәселен, қорғаушы Калиманың осы спортта жүргеніне төрт жылдан асыпты. Өзі небәрі 16-да болса да, үстіне салмағы 30 келден асатын киім киіп, алаңға шығып жүр. Ал, қорғаушының міндеті шабуылшыға қарағанда тым қиын.

– Әлем чемпионатына жаттығу жұмыстары жаз айынан басталды. Жаттығу жұмыстарының өзі бірнеше этаптан тұрды. Өзіме спорттың осы түрі ұнайды. Әрине, үстімдегі киімдерім ауыр. Бірақ, қорғаушы болғандықтан бәрін ұмытып кетесің. Ендігі мақсатым – әлем чемпионы атану. Облыстың құрама командасымен ел чемпионы атанғым да келеді. Қазіргі таңда

«Юность-Грация» командасы күшті. Басты қарсыласымыз – алматылық «Айсұлу таңдаулы» клубы. Тынғылықты дайындап, чемпион боламыз деген үміттемін, – деді қорғаушы Калима Нигматулина.

Ұлттық құрама чемпионатта бес ойын өткізген. Жарыстың алғашқы күні Ұлыбритания құрамасымен кездесіпті. Алайда, жарыс жолы сәтсіз басталып, қарсыластарынан айласын асыра алмаған. Ал, Жаңа Зеландия, Қытайдың Тайбэй, Нидерланды және Латвия құрамасымен өткен кездесудің бәрінде жеңіске жетіпті.

Осы әлем чемпионаты шабуылшы Анна Климованың үшінші үлкен турнирі екен. Осыдан екі жыл бұрын Болгария астанасы София қаласында өткен әлем чемпионатына қатысып, I орын иеленіпті. Былтыр Нидерландының Херлен қаласындағы турнирге қатысқан. Осы чемпионатта қарсылас қақпасына бір шайба салып, екі голдық пас берген.

– Біз үшін әлем чемпионаты оңай басталмады. Білмеймін, бой үйренбегеннен бер, алғашқы ойында жеңіліп қалдық.

• ЖАҒЫМДЫ ЖАҢАЛЫҚ

## Мемлекеттік бағдарлама шарапаты

Биыл Қазақ КСР-інің еңбек сіңірген мәдениет қайраткері, әнші, композитор, халық ақыны Доскей Әлімбаевтың туғанына 175 жыл толады. Мерейтой қарсаңында Бұқар жырау ауданындағы ақынның есімі берілген ауылда жаңа Мәдениет үйі ашылды.



Сурет облыс әкімінің елшісінен

Жәлел ШАЛҚАР,  
«Ortalyq Qazaqstan»

Заманға сай жабдықталған мәдениет үйі «Ауыл – ел бесігі» арнайы жобасымен

салынып отыр. – Президент Қасым-Жомарт Тоқаев: «Мәдениет пен өнер – ел өміріндегі маңызды сала. Өнер – ұлттың жаны, ал, мәдениет – оның рухани келбеті. Бұл екі

• ЖОБА

## Тағылымға толы әже тәлімі

Саран қаласындағы мектептерде «Әжелер мектебі» жобасы іске қосылды. Аталған бастама аға буынның білімі мен тәжірибесін, өмірден түйгенін жас ұрпақтың санасына сіңіріп, патриот әрі жан-жақты қылып тәрбиелеуді көздейді.

Жәлел ШАЛҚАР,  
«Ortalyq Qazaqstan»

Алдымен, білім ошақтарының әкімшілігі мен қамқоршылық кеңесі он оқушының әжесін іріктеп алады. Оқу жылы барысында жобаға қатысушылар балалармен кездеседі және олармен шеберлік сыныбын, дөңгелек үстел, арнайы дәріс және басқа да пайдалы шаралар өткізеді.

Әр отырысқа нақты бір тақырып таңдалып, сол бойынша жүйелі білім хәм тәрбие беріледі.

– Дәріс немесе кездесудің тақырыбы жоба қатысушысына байланысты болмақ. Мәселен, біреу балаларға өлең жазуды үйретсе, енді бірі өзінің отбасылық және жеке тәжірибесінен қызықты оқиғалар айтып береді. Атап айтсақ, болашақта мамандықты дұрыс таңдау, негізгі мықты



Сурет облыс әкімінің елшісінен

отбасын құру, баланы саналы қылып тәрбиелеу туралы баяндап береді. Ал, Қазақстан халқы Ассамблеясының өкілдері балаларға киізден кездесушілер жасауды үйретуде, – деп түсіндірді Саран қаласы әкімдігінің баспасөз хатшысы Думан Әліманов.

Сонымен қатар, «Әжелер мектебі» жобасы аясында интерактивті танымдық ой-

ындар да өткізіледі. Кездесулердің бірінде «Әжелер мектебінің» өкілдері түрлі ұлттардың дәстүрлі киімдері туралы әңгімелеп, бірнеше тілде ән шығарды.

Алдағы уақытта кездесулер қала мектептерінде тұрақты түрде ұйымдастырылатынын атап өткен жөн. Таңдаулы әжелердің оқушылармен өткізетін іс-шараларының жоспары бекітілген.



Әрі қарсылас та осал болмады. Бірақ, сол күні кателіктерімізбен күресіп, жарыстың екінші күнінде жеңіске жеттік. Ең соңғы

ойынды ұтуымыз керек болды. Егер соңғы ойынды жеңе алмасақ, III орын алып қаламыз. Ол ойын да ауыр болды. Алғашқы

екі айналымда есеп ашылмаған еді. Үшінші айналымда ойынмыз өзгерді. Қарсылас қақпасынан саңылау таптық. Биыл 10-сыныпта оқимын. Келесі жылы мектебімді ойдағыдай аяқтап, кәсіби мансабымды бастағым келеді, – деді шабуылшы Анна Климова.

Облыстың әйелдер құрамасының аға жаттықтырушысы және «Юность-Грация» клубының жаттықтырушысы Валисия Поповтың облыс құрамасын жаттықтырып келе жатқанына да сегіз жылдан асқан.

– Шәкірттеріміздің ойынын көрсем, бір демалып қаламын. Себебі, оларға не айтсам, бірден қағып алады. Шабуылда да, қорғаныста да керемет ойын көрсетті. Осындай ойынға қарап еңбектің ақталғанын көресің. Ия, алтынға бір қадам жетпей қалдық. Келер жылы кателіктермен жұмыс жасап, алтын аламыз деген сенімдемін. Ұлттық құрама спортшыларының басым бөлігі – қарағандылықтар. Бізде менталитет бөлек қой. Ата-ана тарапынан ешқандай қарсылық жоқ. Керісінше, осы спортқа өздері алып келеді. Хоккейге әуес жастар көп. Ендігі мақсатым – ұлттық құраманы баптап, шәкірттерімізмен бірге әлем чемпионы атану, – деді ол.

Сурет ұйымдастырушылардан

**ORTALYQ QAZAQSTAN**  
Қарағанды облыстық қоғамдық-саяси газеті

Құрылтайшысы: облыс әкімдігі  
**МЕНШІК ИЕСІ:** «Сауатқа Аарага» ЖШС

Директор  
**Қайрат Жүнісулы ӨБІЛДА**

Директордың орынбасары  
**Оксана Вячеславовна МЯГКИХ**

Директордың орынбасары  
**Галия Боранқұлқызы БАСТЕНОВА**

Бас редактор  
**Е.К. МҰСАБЕК**

Бас редактордың орынбасары  
**Қ.А. АЙТЖАН**

Сайт редакторы  
**І.Д. МҰҚАЙ**

Жауапты хатшы  
**Ж.Қ. ШАЛҚАР**

**Телефондар:**  
Бас редактор: 43-38-53  
Бас редактордың орынбасары: 43-58-08  
Интернет-редакция редакторы: 43-38-33  
Жауапты хатшы: 43-49-72  
Жарнама, факс: 43-57-82, 43-21-55;

**Меншікті тілшілер:**  
Ақтоғай, Шег, Балқаш,  
Приозерск: 8-702-293-13-70  
Қарқаралы, Нұра,  
Осакаров: 8-702-216-73-50  
Теміртау, Саран, Шахтинск, Абай,  
Бұқар жырау: 8-775-189-33-19

• Жарияланған мақала авторларының пікірлері редакция көзқарасын білдірмейді.  
• Жарнамалар мен хабарландырулардың мазмұнына жарнама беруші жауап береді.  
• Газетте жарияланған материалдарды сілтемесіз көшіріп басуға болмайды.  
• Материалдың жариялану ақысы төленген ☑

Газет Қазақстан Республикасы Ақпарат және Қоғамдық даму министрлігінің Ақпарат комитетінде қайта тіркеуден өтіп, 2020 жылғы 15 желтоқсанда № КЗ18ВР00030163 куәлігі берілді.

Газет сейсенбі, бейсенбі, сенбі күндері шығады.  
**Мекенжайымыз:** 100009, Қарағанды қ., Әлімхан Ермеков көшесі, №33 үй.

**Электрондық пошта:** ortalqy.kz@gmail.com; ortalqy.kaz@mail.ru  
Жарнама бөлімі: ortalqy.reklama@mail.ru

Газет жеткізілмесе  
41-26-82, 43-57-88  
телефонына хабарласыңыздар.

«БанкЦентрКредит» АҚ ҚФ  
Есеп-шот: kz50826MOKZTD2003131,  
БИК KСJВKZXX БИН 000840001412

Таралымы 4 706  
№12 тапсырыс. Индекс 65484  
Офсеттік басылым. Көлемі 4 баста табақ.

**Бағасы келісім бойынша**  
«Типография Арко» ЖШС баспаханасында басылды.  
**Қарағанды қ., Сәтбаев к., 15.**  
Газеттің компьютерлік орталығында теріліп, беттелген.  
Кезекші редактор **Жансая ОМАРБЕК**